



Gerhardus ex illustri familia comitum Holstiaæ patre Heinrico prognatus est. Is adeò rem bellicarum peritia & omnis generis uirtutibus excelluit, ut Magni cognomē apud Saxones & Danos impetrarit. In adolescētia sua tenuioris fortunæ existens in Rēdesburg habitauit, atq; ue nationi deditus fuit. postea bellorum fortunam secutus plerūq; uictor extitit, atque res maximas hinc inde peregit. Itaq; maximi principes in bellorum administratione eum suarum copiarum ducem legerunt, ac quicquid petierunt huius fortissimi uiri fortitudine impetrarunt. Hinc etiam factum, ut Gerhardus anno 1250 multarum regionū accessione inter dīlīsimos comites cōnumeratus fuerit. Tandē cum in Cymbrica Chersoneso bello interesset, atq; in medio hostium agmine fortiter pugnaret, multitudine circumuentus oppressus est. Crantz.